



partii naleraq

Upernavik ulloq, 17/01-2019

Inatsisartut suleriaasiat § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqut:

- 1. Naalackersuisut maannakkumut Kangerlussuarmi umimmaat neqaannik tunitsivimmut piginnittunut nioqutissiornissamut tapiissutit (kiffartuussinissamik isumaqatigiissusiornikkut) pillugit oqaloqatiginninnissaminnik kissaateqarpat, taamatullu tunitsiviup ammaqinnissaanik periarfissaqarnerisq?**
- 2. 2017-imi Kangerlussuarmi umimmannik tunitsivik ingerlatsinermut qanoq annertutigisumik Namminersorlutik Oqartussat tunisassiornissamut tapiissuteqarusussimappat aamma piginnittuniit tunisassiornermut tapiissutit eqqarsaatigalugit qanoq annertutigisumik tapiissuteqartoqassasq tunitsiviup imminut akilersinnaasunngorlugu ingerlanissaanut naatsorsuuteqarsimappat?**
- 3. Kangerlussuarmi umimmaat neqaannik tunitsiviup matoqqanera pissutigalugu qanoq annertutigisumik ukiumut inuiaqatigiit aningaasaqarnerannut aningaasatigut annaasaqarsimanerat Naalackersuisut naatsorsuutigaat?**

(Inatsisartunut ilaasortaq, Jens Napätök', Partii Naleraq)

Tunggavilersuut:

Kangerlussuarmi ukiut arlerlugit nersutinik umimmannik aamma tutunik tunitsivik ingerlanneqarsimagaluarpoq. Aallaqqaammut Arctic Greenfood A/S-itut tunitsivik ingerlanneqarsimagaluarpoq 2013-imi akiliisinnaajunnaarluni unissimalluni. Ukiakkut 2015-imi Greenland Venture-p aningaasanik tapiineratigut tunitsivik Lilleholm Food ApS-itut ingerlasumiik ingerlanneqalerpoq, januaarimilu 2016-imi aallarteqqilluni.

Lilleholm Food ukiumoortumik 2016-imi nalunaarusiaani erserpoq Namminersorlutik Oqartussat suliffeqarfimmut tunisassiornermut aningaasanik tapiissuteqarniarlutik neqeroorsimagaluartut, neqeroornerli suliffeqarfiup tungaaniik itigartitsissutigineqarsimasq, suliffeqarfiup naatsorsuutigisimagamiuk tapiissutissaq neqeroorutaasq naammaginartumik suliffeqarfiup tunisassiornermini amigartoorutaanik matussusiinnaangitsoq.

Tamannalu tunggavigalugu Lilleholm Food-ip 2017-imi umimmaat neqaannik tinguoraaneq unitsiinnarsimallugu, suliffeqarfik isumaqarsimammat umimmaat neqaannik tinguoraaneq aningaasaqarnikkut pissarsivissatut silatusaarnerussanngitsoq tunisassiat akii qaffaavigineqanngippata.



partii naleraq

2018-imi lu umimmaat neqaannik Kangerlussuarmi tunitsivimmut tunisisoqarsinnaasimangilaq.

Siornatigut nersutunik toqoraavik Kangerlussuarmiittoq Arctic Greenfood-imiik pigineqarallarmat Namminersornerullutik/Namminersorlutik Oqartussat assigiinngitsutigut kiffartuussinermut isumaqatigiissutunik isumaqatigiissuteqarsimagaluarpur, taamaalillugu umimmannik tunisassiassanik tinguoraaneq ingerlaannarnissaa qularnaarniarlugu.

Inuiaqatigiit aningaasaqarnera pillugu misissuisimanermi Arctic Greenfood nunaqarfinni tunitsiviutaanik Greenland Venture 2009-imi misissuisoqarsimavoq tassanilu oqaatigineqarpoq 2008-imi tunitsivimmi Kangerlussuarmiittumi 55 tons-it nioqutissiarineqarsimasut. Taakkulu piniartunut 40-runut 1,7 millioninik koruuninik naleqartunik isertitsissutaasimasut.

Tunitsivik aqqaneq marlunnik sulisoqartoq januaari aamma februaari qaammat umimmaat neqaanik aammalu oktobarimi qaammat tuttur neqaanik tunitsivigineqarsimavoq, ataatsimullu 400 tusind koruuninik isertitaqaatigisimallugu.

Toqqaannartumik nunaqarfiup tunitsiviani tunisisarnermi sulisitsineq ataatsimut 2,1 milioni koruuninik isertitaqaassutigineqarsimavoq.

Kangerlussuarmi tunitsivimmiik tunisisarneq eqqarsaatigalugu inoqutigiaanut tunisineq imaluunniit akissarsiaqarlutik sulisunut 48-nut isertitaqaataasimavoq.

Toqqaannartumik sulisitsineq inuiaqatigiinnut akileraarutit eqqarsaatigalugit 442.000 koruuninik tunisineq aamma 137.000 koruuninik akissarsiaqarluni sulisitsineq isertitsissutaavoq ataatsimut kattikkaanni 559.000 koruuniullutik.

Ukiup pingajussaa Kangerlussuarmi tunitsivik matoqqatinneqarpoq. Tunitsivimmi suliasaqqartoqannginnera aamma umimmaat imaluunniit tuttur neqaanik tunisisoqarnissaanik periarfissaqanngimmat.

Piniartutut inuussutissarsiuteqartortagut pisaminnik tunitsivissaannik periarfissaqartariaqarput taamatullu nunatta immitsinnut neqaatitsinnik pilersornerunissarput pisariaqartippaa. Soorlutaaq aamma suliasaqqartitsineq taamatut ittoq, taamaattumik apeqqutikka qulaani pineqartut akineqarnissaannut aallaaviusariaqarput allatakka.

Apeqqutit ullut suliffiit qulit iluani akineqarnissaat kissaatigaara